



**A**cceperunt ramos palmarum et processerunt obviam ei et clamabant : Hosanna, benedictus qui venit in nomine Domini Rex Israel. (Job, xii, 13.)

—✠— **Dominica in Palmis.** —✠—

AD MATUTINUM.

Invitat. et Hymnus ut in Dominica Passionis. 261.

In I. Nocturno.

De Jeremia Propheta.

Leccio j. Cap. ij. c

**B**stupescite caeli super hoc, et portae ejus desolamini vehementer, dicit Dominus. Duo enim mala fecit populus meus : Me dereliquerunt fontem aquae vivae, et foderunt sibi cisternas, cisternas dissipatas, quae continere non valent aquas. Numquid servus est Israel, aut vernaculus? quare ergo factus est in praedam? Super eum rugierunt leones, et dederunt vocem suam, posuerunt terram ejus in solitudinem : civitates ejus exustae sunt, et non est qui habitet in eis. Filii quoque Mompheos et Taphnes constupaverunt te usque ad verticem. Numquid non istud factum est tibi, quia dereliquisti Dominum Deum tuum eo tempore, quo ducebat te per viam?

**R.** In die qua invocavi te Domine, dixisti, Noli

timere : \* Judicasti causam meam, et liberasti me, Domine Deus meus. **V.** In die tribulationis meae clamavi ad te, quia exaudisti me. — Judicasti.

Leccio ij.

**E**T nunc quid tibi vis in via Aegypti, ut bibas aquam turbidam? et quid tibi cum via Assyriorum, ut bibas aquam fluminis? Arguet te malitia tua, et aversio tua increpabit te. Scito, et vide, quia malum et amarum est reliquisse te Dominum Deum tuum, et non esse timorem mei apud te, dicit Dominus Deus exercituum. A saeculo confregisti jugum meum, rupisti vincula mea, et dixisti : Non serviam. In omni colle sublimi, et sub omni ligno frondoso tu prosternebaris meretrix. Ego autem plantavi te vineam electam, omne semen verum: quomodo ergo conversa es mihi in pravam vinea aliena? Si laveris te nitro, et multiplicaberis tibi herbam borith, maculata es in iniquitate tua coram me, dicit Dominus Deus.



**R.** Fratres mei elongaverunt se a me : et noti mei, \* Quasi aliéni recesserunt a me. **V.** Dereliquerunt me próximi mei, et qui me novérunt. — Quasi aliéni.

**Lectio iij.**

**Q**uid vultis mecum iudicio contendere? omnes dereliquistis me, dicit Dóminus. Frustra percussisti filios vestros, disciplinam non receperunt : devoravit gladius vester Prophétas vestros, quasi leo vastator generatio vestra. Videte verbum Dómini : Numquid solitudo factus sum Israéli, aut terra serótina? quare ergo dixit pópulus meus : Recéssimus, non veniémus ultra ad te? Numquid obliviscétur virgo ornamenti sui, aut sponsa fásciae pectorális suae? pópulus vero meus oblitus est mei diébus innúmeris.

**R.** Atténde Dómine ad me, et audi voces adversariórum meórum: \* Numquid rédditur pro bono malum, quia fodérunt fóveam animæ meae? **V.** Recordáre quod stéterim in conspéctu tuo, ut lóquerer pro eis bonum, et avérterem indignatióem tuam

ab eis. — Numquid. **At**ténde.

**In II. Nocturno.**

Sermo S. Leónis Papæ.

**Serm. xj. de Pass. Dñi.**

**Lectio iv.**

**R**esiderata nobis, dilectissimi, et universo optabilis mundo adest festívitás Domínicæ passiónis, quæ nos inter exsultatiónes spiritalium gaudiórum silére non pátitur. Quia etsi difficile est, de eádem solemnitate sæpius digne aptéque dissérere : non est tamen liberum sacerdoti in tanto divínæ misericórdiæ sacraménto fidélibus pópulis subtrahere sermónis officium : cum ipsa matéria ex eo quod est ineffábilis, fandi tríbuat facultátem : nec possit defícere quod dicátur, dum nunquam potest satis esse quod dicitur. Succúmbat ergo humana infirmitás glóriæ Dei, et in explicándis opéribus misericórdiæ ejus, imparem se semper invéniat. Laborémus sensu, hæreámus ingenio, deficiámus elóquio : bonum est ut nobis parum sit, quod étiam recte de Dómini majestáte sentímus.

**R.** Conclúsit vias meas inimicus, insidiátor factus est mihi sicut leo in abscondito, replévit et inebriávit me amaritúdine : deduxérunt in lacum mortis vitam meam, et posuerunt lápidem contra me. \* Vide Dómine iniquitates illórum : et júdica causam animæ meæ, defénsor vitæ meæ. **V.** Factus sum in derisum omni pópulo meo, cánticum eórum tota die. — Vide.

**Lectio v.**

**D**icente enim Prophéta : Quærite Dóminus, et confirmámini, quærite faciém ejus semper : némini præsuméndum est, quod totum quod quærit, invenerit, ne desinat propinquare, qui cessarit accédere. Quid autem inter ómnia ópera Dei, in quibus humanæ admiratiónis fatigátur intentio, ita contemplatió nem mentis nostræ et oblétat et súperat, sicut passio Salvatóris? Qui ut humanum genus vinculis mortíferæ prævaricatiónis absolveret, et sæviénti diabolo poténtiam suæ majestátis occúluit, et infirmitátem nostræ humilitátis objécit. Si enim

crudélis et superbus inimicus consílium misericórdiæ Dei nosse potuisset, Judæórum ánimos mansuetúdine potius temperáre, quam injústis ódiis studuisset accéndere : ne ómnium captivórum amitteret servitútem, dum nihil sibi debéntis perséquitur libertátem.

**R.** Salvum me fac Deus, quóniam intravérunt aquæ usque ad ánimam meam : ne avértas faciém tuam a me : \* Quóniam tríbulor, exáudi me Dómine Deus meus. **V.** Inténde animæ meæ, et libera eam : propter inimicos meos éripe me. — Quóniam.

**Lectio vij.**

**F**efellit ergo illum malignitas sua, intulit supplicium Fílio Dei, quod cunctis fíliis hóminum in remédium verterétur. Fudit sánguinem justum, qui reconciliándo mundo et prétium esset, et póculum. Suscépit Dóminus, quod secúndum propósitum suæ voluntátis elégit. Admisit in se ímpias manus furéntium : quæ dum próprio incúmbunt scéleri, famulátæ sunt Redemptóri. Cujus étiam circa



interfectores suos tanta erat pietatis affectio, ut de cruce supplicans Patri, non se vindicari, sed illis postularet ignosci.

**R.** Noli esse mihi Domine alienus : parce mihi in die mala : confundantur omnes qui me persequuntur, \* Et non confundar ego. **V.** Confundantur omnes inimici mei, qui quaerunt animam meam. — Et non. **Noli esse.**

**In III. Nocturno.**

Lectio sancti Evangelii secundum Matthaeum.

**Lectio vii. Cap. xxj.**

**I**N illo tempore : Cum appropinquasset Jesus Jerosolymis, et venisset Bethphage ad montem Oliveti : tunc misit duos discipulos, dicens eis. Et reliqua.

Homilia sancti Ambrósii Episcopi.

**Lib. 9. in Lucam.**

**U**lchre relictis Judaeis, habitaturus in affectibus Gentium, templum Dominus ascendit. Hoc enim templum est verum, in quo non in littera, sed in spiritu Dominus adoratur. Hoc Dei templum est, quod fidei series, non lapidum structura fundavit.

Deseruntur ergo qui oderant : eliguntur qui amanturi erant. Et ideo ad montem venit Oliveti, ut novellas oleas in sublimi virtute plantaret, quarum mater est illa, quae sursum est, Jerusalem. In hoc monte est ille caelestis agricola : ut plantati omnes in domo Dei, possint viritum dicere : Ego autem sicut oliva fructifera in domo Domini.

**R.** Dominus mecum est tamquam bellator fortis : propterea persecuti sunt me, et intelligere non potuerunt : Domine probas renes et corda : \* Tibi revelavi causam meam. **V.** Vidisti Domine iniquitatem eorum adversum me : iudica iudicium meum. — Tibi revelavi.

**Lectio viij.**

**E**T fortasse ipse mons Christus est. Quis enim alius tales fructus ferret olearum, non curvescentium ubertate baccarum, sed spiritus plenitudine Gentium fecundarum? Ipse est per quem ascendimus, et ad quem ascendimus. Ipse est janua, ipse est via, qui aperitur, et qui aperit : qui pulsatur ab ingredienti-

bus, et ab emeritis adoratur. Ergo in castello erat, et ligatus erat pullus cum asina : non poterat solvi nisi jussu Domini. Solvit eum manus apostolica. Talis actus, talis vita, talis gratia. Esto talis et tu, ut possis ligatos solvere.

**R.** Dixerunt impii apud se, non recte cogitantes : Circumveniamus justum, quoniam contrarius est operibus nostris : promittit se scientiam Dei habere, Filium Dei se nominat, et gloriatur patrem se habere Deum : \* Videamus si sermones illius veri sunt : et si est vere Filius Dei, liberet eum de manibus nostris : morte turpissima condemnemus eum. **V.** Tamquam nugaces aestimati sumus ab illo, et abstinet se a viis nostris tamquam ab immunditiis : et praefert novissima iustorum. — Videamus.

**Lectio ix.**

**N**unc consideremus qui fuerint illi, qui errore detecto, de paradiso eiectioni, in castellum sint relegati. Et vides, quemadmodum quos mors expulerat, vita revocaverit. Et ideo secundum Matthaeum, et asinam et pul-

lum legimus : ut quia in duobus hominibus uterque fuerat sexus expulsum, in duobus animalibus sexus uterque revocetur. Ergo illic in asina matre quasi Hevam figuravit erroris : hic autem in pullo generalitatem populi Gentilis expressit : et ideo pullo sedetur asinae. Et bene, in quo nemo sedit : quia nullus, antequam Christus, nationum populos vocavit ad Ecclesiam. Denique secundum Marcum sic habes : Quem nemo adhuc sedit hominum.

**R.** Circumdedérunt me viri mendaces : sine causa flagellis ceciderunt me : \* Sed tu Domine defensor vindica me. **V.** Quoniam tribulatio proxima est, et non est qui adjuvet. — Sed tu. Circumdedérunt.

**AD LAUDES.**

**Añae. 1.** Dominus Deus \* auxiliator meus : et ideo non sum confusus.

**Psalm. Miserere. cum reliquis, ut supra. 189.**

**2.** Circumdantes \* circumdedérunt me : et in nomine Domini vindicabor in eis.



3. Júdica causam meam : \* defénde, quia potens es Dómine.

4. Cum Angelis \* et púeris fidéles inveniámur, triumphatóri mortis clamántes, Hosánna in excélsis.

5. Confundántur \* qui me persecúntur, et non confúndar ego, Dómine Deus meus.

**Capitulum.** Philipp. ij.

**F**Ratres, Hoc enim sentíte in vobis, quod et in Christo Jesu : qui cum in forma Dei esset, non rapínam arbitrátus est esse se æquálem Deo : sed semetípsum exinanívit, formam servi accípiens, in similitúdinem hóminum factus, et hábitu invéntus ut homo.

**Hymnus.**

**L**ustra sex qui jam perégit,  
Tempus implens córporis,  
Sponte líbera Redémpтор  
Passióni déditus,  
Agnus in Crucis levátur  
Immolándus stípíte.

**F**elle potus ecce languet,  
Spina, clavi, lancea  
Mite corpus perforárunt,  
Unda manat, et cruor :  
Terra, pontus, astra, mundus,  
Quo lavántur flúmine.

**C**ruce fidélis, inter omnes  
Arbor una nóbilis :  
Silva talem nulla profert  
Fronde, flore, gérmine :  
Dulce ferrum, dulce lígnum,  
Dulce pondus sústinent.

**F**lecte ramos arbor alta,  
Tensa laxa víscera,  
Et rigor lentéscat ille,  
Quem dedit natívitatis ;  
Et supérni membra Regis

Tende miti stípíte.  
**S**ola digna tu fuísti  
Ferre mundi víctimam ;  
Atque portum præparáre

Arca mundo náufrago,  
Quam sacer cruor perúnxít,

Fusus Agni córpore.  
**S**empitérna sit beátæ  
Trinitáti glória,  
Æqua Patri, Filióque ;  
Par decus Paráclito :  
Uníus, Trínique nomen  
Laudet univérsitas.

Amen.

**V.** Eripe me de inimícis meis Deus meus. **R.** Et ab insurgéntibus in me líbera me.

**Ad Bened. Aña.** Turba multa, \* quæ convénerat ad diem festum, clamábat Dómino : Benedictus qui venit in nómine Dómini, Hosánna in excélsis.

**Oratio.**

**O**Mnípotens sempitérne Deus, qui humano géneri, ad imitándum humilitátis exéplum, Salvatórem nostrum carnem súmere, et crucem subíre fecísti : concéde propítius, ut et patiéntiæ ipsíus habére documénta, et resurrectiónis consórtia mereámur. Per eúmdem Dóminum nostrum.

AD PRIMAM.

**Aña.** Púeri Hebræórum \* tolléntes ramos olivárum, obviavérunt Dómino, clamántes et dicétes : Hosánna in excélsis.

AD TERTIAM.

**Aña.** Púeri Hebræórum \* vestiménta prosternébant in via, et clamábant, dicétes : Hosánna Fílio David : benedíctus qui venit in nómine Dómini.

**Capit. ut supra. 288.**

**R.** Erue a frámea, \* Deus ánimam meam. Erue. **V.** Et de manu canis única meam. Deus. Erue.

**V.** De ore leónis líbera me Dómine. **R.** Et a córnibus unicórnium humilitátem meam.

AD SEXTAM.

**Aña.** Tibírevelávi \* cau-

sam meam, defénsor vitæ meæ, Dómine Deus meus.

**Capitulum.** Philipp. ij.

**H**umiliávit semetípsum factus obédiens usque ad mortem, mortem autem crucis : propter quod et Deus exaltávit illum, et donávit illi nomen, quod est super omne nomen.

**R.** De ore leónis, \* Líbera me Dómine. De ore. **V.** Et a córnibus unicórnium humilitátem meam. Líbera. De ore.

**V.** Ne perdas cum ímpíis Deus ánimam meam.

**R.** Et cum viris sánguini vitam meam.

AD NONAM.

**Aña.** Invocabo \* nomen tuum Dómine ; ne avértas faciém tuam a clamóre meo.

**Capitulum.** Philipp. ij. b

**I**N nómine Jesu omne genu flectátur cœlestium, terréstrium, et infernórum : et omnis lingua confiteátur quia Dóminus Jesus Christus in glória est Dei Patris.

**R.** Ne perdas cum ímpíis, \* Deus ánimam meam. Ne perdas. **V.** Et cum viris sánguini vitam meam. Deus. Ne perdas.



¶ Eripe me Dómine ab hómine malo. **℟.** A viro iníquo erípe me.

AD VESPERAS.

**A**ñæ et Psalmi de Dominica. 147.

**Capitulum.** Philipp. ij.

**R**atres, Hoc enim sentíte in vobis, quod et in Christo Jesu: qui cum in forma Dei esset, non rapinam arbitrátus est esse se æqualem Deo: sed semetípsum exinanívit, formam servi accipiens, in similitúdinem hóminum factus, et hábitu invéntus ut homo.

**Hymnus.** Vexilla Regis. et **℟.** Eripe me. 281.

**Ad Magnif. Aña.** Scriptum est enim: \* Percúttiam pastórem, et dispergéntur oves gregis: postquam autem resurrexero, præcedam vos in Galilæam: ibi me vidébitis, dicit Dóminus.

**Ab hac die usque ad Octavam Paschæ, si occurrat aliquod Festum novem Lect. quod transferri valeat, transfertur post Oct., secus de eo fit Commem. præterquam tribus diebus Pascha præcedentibus et duobus consequentibus, juxta Rubricam de Commemorationibus. Festi**

**trium Lect. item a Feria v. in Cœna Dñi usque ad Feriam iij. Paschæ, nulla fit Commemoratio.**

FERIA SECUNDA.

**Invitat. et Hymnus.** 261.

**A**ñæ et Psalmi hujus Ferie. 54. **℟.** Erue a frámea. ut **ibid. tempore Passionis.**

**Pater noster. Absolutio.** Exáudi. **Benedictio.** Evangelíca léctio.

Léctio sancti Evangelíi secúndum Joánnem.

**Lectio j. Cap. xij.**

**A**Nte sex dies Paschæ venit Jesus Bethániam, ubi Lázarus fúerat mórtuus, quem suscitávit Jesus. Et réliqua.

Homília sancti Augustíni Epíscopi.

**Tract. I. in Joannem, post initium.**

**M**Eputárent hómines phantásma esse factum, quia mórtuus resurrexit, Lázarus unus erat ex recumbéntibus: vivébat, loquebátur epulabátur, véritas ostendebátur, infidélitas Judæórum confundebátur. Discumbébat ergo Jesus cum Lázaro, et céteris: ministrábat Martha una ex soróribus Lázari. María vero, áltera soror Lázari accépit

libram unguénti nardi pístici pretiósí, et unxit pedes Jesu, et extérsit capillis suis pedes ejus, et domus impléta est ex odóre unguénti. Factum audívimus: mystérium requirámus.

**℟.** Viri ímpii dixerunt: Opprimámus virum justum injúste, et deglutíamus eum tamquam inférnus vivum: auferámus memóriam illíus de terra: et de spóliis ejus sortem mittámus inter nos: ipsi enim homicídæ thesaurizavérunt sibi mala. \* Insipiéntes et maligni odérunt sapiéntiam: et rei facti sunt in cogitátionibus suis. **℟.** Hæc cogitavérunt, et erravérunt: et excacávit illos malítia eórum. — Insipiéntes.

**Bened.** Divínium auxiliium.

**Lectio ij.**

**Q**Uæcúmque ánima fidélis vis esse, cum María unge pedes Dómini pretiósó unguénto. Unguéntum illud justítia fuit, ideo libra fuit: erat autem unguéntum nardi pístici pretiósí. Quod ait, pístici, locum áliquem crédere debémus, unde hoc erat unguéntum pretiósósum:

nec tamen hoc vacat, et sacraménto óptime cónsonat. Pistis Græce, fides Latíne dicitur. Quærébas operári justítiam. Justus ex fide vivit. Unge pedes Jesu bene vivéndo: Dominíca sectáre vestigia. Capillis terge: si habes superflua, da paupéribus, et Dómini pedes tersísti: capilli enim superflua córporis vidéntur. Habes quod agas de superfluis tuis: tibi superflua sunt, sed Dómini pédibus necessária sunt. Forte in terra Dómini pedes índigent.

**℟.** Opprobrium factus sum nimis inimicis meis: vidérunt me, et movérunt cápita sua: \* Adjuva me Dómine Deus meus. **℟.** Locúti sunt advérsus me lingua dolósa, et sermónibus ódii circumdedérunt me. — Adjuva.

**Bened.** Ad societatem.

**Lectio iij.**

**D**E quibus enim, nisi de membris suis in fine dictúrus est: Cum uni ex mínimis meis fecístis, mihi fecístis? Superflua vestra impendístis: sed pédibus meis obsecúti estis. Domus autem impléta est odóre: mundus implétus est fama bona:



nam odor bonus, fama bona est. Qui male vivunt, et Christiáni vocántur, injúriam Christo faciunt: de quálibus dictum est, quod per eos nomen Dómini blasphemátur. Si per tales nomen Dei blasphemátur, per bonos nomen Dómini laudátur. Audi Apóstolum: Christi bonus odor sumus, inquit, in omni loco.

℞. Insurrexérunt in me viri iníqui absque misericórdia, quæsiérunt me interficere: et non pepercérent in fáciem meam spúere, et lanceis suis vulneravérunt me: et concússa sunt ómnia ossa mea: \* Ego autem existimábam me tamquam mórtuum super terram. ℞. Effuderunt furórem suum in me: fremuérunt contra me déntibus suis. — Ego. Insurrexérunt.

AD LAUDES,

et per Horas, Añæ.

1. Fáciem meam \* non avérti ab increpántibus, et conspuéntibus in me.

Psalmi de Laudibus Ferie secundæ. 67.

2. Frámea suscitáre \* advérsus eos, qui dispérgunt gregem meum.

3. Appenderunt \* mercédem meam triginta argénteis: quibus appetiátus sum ab eis.

4. Inundavérunt aquæ \* super caput meum: dixi, périi: invocábo nomen tuum Dómine Deus.

5. Lábia insurgéntium, \* et cogitationeseórum vide Dómine.

Capitulum, Hymnus et ℞. ut supra. 271.

Ad Bened. Añæ. Clarífica me Pater \* apud temetípsum claritáte, quam hábui priúsqvam mundus fieret.

Oratio.

DA quæsumus omnípotens Deus: ut qui in tot advérsis ex nostra infirmitáte defícimus; intercedénte unigéniti Filii tui passióne respirémus. Qui tecum vivit et regnat.

Ad Horas, Añæ de Laud. Capitula autem et ℞. br. ut in Psalterio temp. Passionis.

AD VESPERAS.

Añæ et Psalmi Ferie ij. ut in Psalterio. 152.

Capitulum, Hymnus et ℞. ut supra. 272.

Ad Magnif. Añæ. Non habéres \* in me potestátem, nisi désuper tibi datum fuisset.

Oratio.

ADjuva nos Deus salutaris noster: et ad beneficia recolénda, quibus nos instauráre dignátus es, tríbue veníre gaudentes. Per Dóminum.

FERIA TERTIA.

Pater noster. Absolutio. Ipsius pietas. Bened. Deus Pater omnipotens.

De Jeremía Prophéta.

Lectio i. Cap. xj. c

UID est, quod dilectus meus in domo mea fecit scélera multa? numquid carnes sanctæ áuferent a te malítias tuas in quibus gloriáta es? Olívam úberem, pulchram, fructíferam, speciósam vocávit Dóminus nomen tuum: ad vocem loquélæ, grandis exarsit ignis in ea, et combústa sunt frutéta ejus. Et Dóminus exercítuum qui plantávit te, locútus est super te malum: pro malis domus Israel et domus Juda, quæ fecerunt sibi ad irritándum me, libántes Báalim. Tu autem Dómine demonstrásti mihi, et cognóvi: tunc ostendísti mihi stúdia córum. Et ego quasi agnus mansuétus, qui portátur ad

víctimam: et non cognóvi quia cogitavérunt super me consília, dicétes: Mittámus lignum in panem ejus, et eradámus eum de terra vivéntium, et nomen ejus non memoretur ámplius. Tu autem Dómine Sábaoth, qui júdicas juste, et probas renes et corda, videam ultiónem tuam ex eis: tibi enim revelávi causam meam.

℞. Contumélias et terrores passus sum ab eis, qui erant pacífici mei, et custodiétes latus meum, dicétes: Decipiámus eum, et prævaleámus illi: sed tu Dómine mecum es tamquam bellátor fortis. \* Cadant in oppróbrium sempitérnium, ut videam vindíctam in eis, quia tibi revelávi causam meam.

℞. Júdica Dómine causam animæ meæ, defénsor vitæ meæ. — Cadant. Bened. Christus perpétuæ.

Lectio ij. Cap. xij.

IUSTUS quidem tu es Dómine, si díspuitem tecum: verúmtamen justa loquar ad te: Quare via impiórum prosperátur: bene est ómnibus, qui prævaricántur, et inique agunt? Plantásti eos, et radicem miserunt: profi-



ciunt et faciunt fructum : prope es tu ori eorum, et longe a renibus eorum. Et tu Domine nostime, vidisti me, et probasti cor meum tecum: congrega eos quasi gregem ad victimam, et sanctifica eos in die occisionis. Usquequo lugébit terra, et herba omnis regionis siccabitur propter malitiam habitantium in ea? consumptum est animal et volucre, quoniam dixerunt : Non videbit novissima nostra.

**R.** Deus Israel, propter te sustinui improperium, operuit reverentia faciem meam, extraneus factus sum fratribus meis, et hospes filiis matris meae : \* Quoniam zelus domus tuae comedit me. **V.** Intende anime meae, et libera eam, propter inimicos meos eripe me. — Quoniam.

**Bened.** Ignem sui amoris.

**Lectio iij.**

**R.** Eliqui domum meam, dimisi hereditatem meam : dedi dilectam animam meam in manu inimicorum ejus. Facta est mihi hereditas mea quasi leo in silva : dedit contra me vocem, ideo odivi eam. Numquid avis disco-

lor hereditas mea mihi? numquid avis tincta per totum? venite, congregamini omnes bestiae terrae, properate ad devorandum. Pastores multi demoliti sunt vineam meam, conculcaverunt partem meam : dederunt portionem meam desiderabilem in desertum solitudinis. Posuerunt eam in dissipationem, luxitque super me : desolatione desolata est omnis terra, quia nullus est qui recogitet corde.

**R.** Synagoga populorum circumdederunt me : et non reddidi retribuuntibus mihi mala. \* Consumetur Domine nequitia peccatorum, et diriges justum. **V.** Judica me Domine secundum justitiam meam, et secundum innocentiam meam super me. — Consumetur. **Synagoga.**

**AD LAUDES,**  
et per Horas, **Añæ.**

1. Vide Domine, \* et considera, quoniam tribulor : velociter exaudi me.

**Psalmi de Feria tertia, ut in Psalterio. 85.**

2. Discerne causam meam \* Domine : ab homine iniquo et doloso eripe me.

3. Dum tribulärer, \* clamaui ad Dominum de ventre inferi, et exaudivit me.

4. Domine vim patior, \* responde pro me : quia nescio quid dicam inimicis meis.

5. Dixerunt impii : \* Opprimamus virum justum, quoniam contrarius est operibus nostris.

**Capitulum, Hymnus et V.** ut supra. 271.

**Ad Bened. Añæ.** Ante diem festum \* Paschæ, sciens Jesus quia venit hora ejus, cum dilexisset suos, in finem dilexit eos.

**Oratio.**

**O**mnipotens sempiternus Deus, da nobis ita Dominicæ passionis sacramenta peragere : ut indulgentiam percipere mereamur. Per eundem Dominum.

**AD VESPERAS.**

**Añæ et Psalmi de Psalterio. 157.**

**Capitulum, Hymnus et V.** ut supra. 272.

**Ad Magnif. Añæ.** Potestatem habeo \* ponendi animam meam, et iterum sumendi eam.

**Oratio.**

**T**UA nos misericordia Deus, et ab omni subreptione vetustatis ex-

purgat : et capaces sanctæ novitatis efficiat. Per Dominum.

**FERIA QUARTA.**

**Pater noster. Absol. A vinculis. Bened.** Ille nos benedicat.

De Jeremia Propheta.

**Lectio j. Cap. xvij. b**

**X**spectatio Israel Domine : omnes, qui te derelinquunt, confundentur : recedentes a te, in terra scribentur : quoniam dereliquerunt venam aquarum viventium Dominum : Sanna me Domine, et sanabor : salvum me fac, et salvus ero : quoniam laus mea tu es. Ecce ipsi dicunt ad me : Ubi est verbum Domini? veniat. Et ego non sum turbatus, te pastorem sequens : et diem hominis non desideravi, tu scis. Quod egressum est de labiis meis, rectum in conspectu tuo fuit. Non sis tu mihi formidini, spes mea tu in die afflictionis. Constentem habeo \* ponendi animam meam, et iterum sumendi eam. **Oratio.** **T**UA nos misericordia Deus, et ab omni subreptione veteritatis ex-



**℟.** Locúti sunt advérsus me lingua dolósa, et sermónibus ódii circumdedérunt me : pro eo ut me diligerent, detrahébant mihi : \* Ego autem orábam, et exaudísti me Dómine Deus meus. **℣.** Et posuérunt advérsus me mala pro bonis, et ódium pro dilectióne mea. — Ego.

**Benedictio.** Divínium auxílium.

**Lectio ij.** Cap. xvij. b

**Q**uis audívit tália horribília, quæ fecit nimis virgo Israel? Numquid deficiet de petra agri nix Líbani? aut evélli possunt aquæ erumpéntes frigidæ, et defluéntes? Quia oblítus est mei pópulus meus, frustra libántes, et impingéntes in viis suis, in sémitis sæculi, ut ambulárent per eas in itinere non trito : ut fieret terra eórum in desolatióne, et in síbilum sempitérnum : omnis qui præterierit per eam obstupéscet, et movébit caput suum. Sicut ventus urens dispérgam eos coram inimico : dorsum, et non faciem osténdam eis in die perditiónis eórum. Et dixerunt : Venite, et cogitémus contra Jeremíam

cogitatiónes : non enim peribit lex a sacerdote, neque consílium a sapiente, nec sermo a prophéta : venite, et percutiámus eum lingua, et non attendámus ad unívrsos sermónes ejus.

**℟.** Dixerunt ímpii. 287. **Bened.** Ad societátem.

**Lectio iij.**

**A**t ténde Dómine ad me, et audi vocem adversariórum meórum. Numquid rédditur pro bono malum, quia fodérunt fóveam ánimæ meæ? Recordáre quod steterim in conspéctu tuo, ut lóquerer pro eis bonum, et avérterem indignatióne tuam ab eis. Propterea da filios eórum in famem, et deduc eos in manus gládii : fiant uxóres eórum absque liberis, et víduæ : et viri eárum interficiántur morte : júvenes eórum confodiántur gládio in proelio. Audiátur clamor de dómibus eórum : ad dúces enim super eos latrónem repénite : quia fodérunt fóveam ut cáperent me, et láqueos abscondérunt pédibus meis. Tu autem Dómine scis omne consílium eórum advérsus me in mortem : ne propitiéris iniquitati

eórum, et peccátum eórum a facie tua non deleátur : fiant corruéntes in conspéctu tuo, in témpore furóris tui abútere eis.

**℟.** Circumdedérunt. 287.

**AD LAUDES,**

et per Horas, Añæ.

1. Libera me \* de sanguinibus Deus Deus meus : et exultábit lingua mea justítiam tuam. **Psalmi de Feria iv. ut in Psalt. 96.**

2. Contumélias \* et terrores passus sum ab eis : et Dóminus mecum est tamquam bellátor fortis.

3. Ipsi vero \* in vanum quæsiérunt ánimam meam, introíbunt in inferióra terræ.

4. Omnes inimíci mei \* audiérunt malum meum : Dómine letáti sunt, quóniam tu fecísti.

5. Alliga Dómine \* in vinculis natiónes Géntium, et reges eárum in compédibus.

**Capitulum, Hymnus et ℣. ut supra. 271.**

**Ad Bened. Añæ.** Simon dormis? \* non potuísti una hora vigiláre mecum?

**Oratio.**

**P**ræsta quæsumus omnipotens Deus : ut qui nostris excéssibus incessánter affligimur, per

unigéniti Fílii tui passiónem liberémur. Qui tecum vivit et regnat.

**AD VESPERAS.**

Añæ et Psalmi de Psalterio. 159.

**Capitulum, Hymnus et ℣. ut supra. 272.**

**Ad Magnif. Añæ.** Ancílla dixit \* Petro : Vere tu ex illis es : nam et loquela tua manifestum te facit.

**Oratio.**

**R**espice, quæsumus Dómine, super hanc familiam tuam, pro qua Dóminus noster Jesus Christus non dubitávit mánibus tradi nocéntium, et crucis subíre torméntum. Qui tecum vivit.

**Tribus sequentibus diebus dicto secreto Pater noster. Ave María. et ad Matutinum, et in principio Primæ, Credo. omnibus aliis prætermisissis, absolute incipitur Offic. ad Matut., et Vesp. ab Añæ primi Psalmi : et Añæ duplicantur sicut in Festo duplici.**

In fine Psalm. non dic. Glória Patri, per omnes Horas, nec in **℟. ℣.** : et in fine cujuslibet Psalmi ad Matutinum exstinguitur una ex quindecim candelis positis in candelabro triangulari ante Altare.